

Efesios

1 Høøch xøhajp Pablo. Høøch hädaa nocy njahby. Ja'a Dios jaduhñ mänaañ coočhä Jesucristo xwyiinguéxät. Mijts hädaa nocy nyajnäjaayøøby pønhatiä Diosmädia'agy mäbøjp jim maa ja'a cajpt jaduhñ xiøhatiän Efeso, pønhatiä Jesucristo miädia'agy jim hoy yajtuunäp. ²Weenä Dios hajxy xmiø'oy ja'a hoyhajt ja'a weenhajt, møødä Jesucristo. Ja'a Dios hajxy nDeedyhäjtäm. Ja'a Jesucristo hajxy nWiindsønähjtäm.

³Tsögä Dios hajxy wiingudsähgøøyyäm. Ja'a Jesucristo, Dyioshajpiä Dios je'eduhmbä; y jaduhñ je'e Tieedyhajpä. Coö ja'a Jesucristo hajxy xmiøødhjätäm tu'ugmädia'agy, paadiä Dios tsajpootypä ja'a mayhajt madiu'u tiuñ ja'a højtscøxphäjtäm. ⁴Cahnä hädaa yaabä naaxwiin hänajty chohnda'agy, tøøyyämä Dios hajxy hänajty xwyiimbiwäm coö ja'a Jesucristo hajxy xmiøødhjätäm tu'ugmädia'agy. Jaanä jaduhñ hajxy xwyiimbíwämbä coö hajxy hoy njäya'ayhäjtämät, coö hajxy nga'a cädiéhyyämät, jaduhñ hajxy wa'ads hoy nhjätämät maa ja'a Dioswiinduumän. ⁵Coö ja'a

Dios hajxy xchójcäm, paadiä Jesucristo yaa quiejxä hädaa yaabä naaxwiin ja'a højtscøxphäjtäm. Paadiä Dios ja'a Jesucristo yaa quiejxy coö ja'a Dios hänajty tøø wyiinmay coö hajxy xyhuunghadäänäm. Hamdsoojootä Dios jaduhñ miänaañ coö hajxy xyhuunghäjtämät. ⁶Tsøcxä Dios hajxy wiingudsähgøøyyäm coö hajxy xjiaanč tehñ chójcäm, coö ja'a Jesucristo yaa quiejxä maa højtshäjtäm. Jaduhñä Dios ja'a mayhajt møj tiuñ ja'a højtscøxphäjtäm. Paady hajxy xchójcäm coö ja'a Jesucristo hajxy xmiøødhjätäm tu'ugmädia'agy. Hix, jaanč tehñ chójcäbä Jesucristo ja'a Tiéediäm. ⁷Coö ja'a Dios hajxy jaduhñ xjiaanč tehñ chójcäm, paadiä Jesucristo hajxy yaa hoy tøø xñähho'túütäm, jaduhñä nbojpä ngädieey hajxy xyajnahwaats xyajcuhwäätsäm. Jaduhñä Dios hajxy xmiée'xäm. ⁸Coö hajxy jaduhñ xjiaanč tehñ chójcäm, paady hajxy hoy tøø xyajwiinjuøøyyäm nebiaty jaduhñ tøø wyiinmay ja'a højtscøxpä. ⁹Tøø ja'a wyiinmahñdy hajxy xyhawäänäm ja'a hijty jaduhñ quiuyu'chpä. Hamdsoojootä Dios

jaduhñ tøø wyiinmahñdyhaty. Chojiä jioot hñajty jaduhñ coo ja'a mayhajt hñajty tiuna'añ ja'a højtscøphajtäm. ¹⁰Jaduhñä Dios tøø wyiinmahñdyhaty coo ja'a Jesucristo Wyiindsønhadóøjät cøxiä tijaty jim tsajpootyp, møødä tijaty yaa hädaa yaabä naaxwiin. Coo ja'a Dios jaduhñ yaghabáadät, mänit hñajty tiøjiada'añ coo ja'a Jesucristo jaduhñ Wyiindsønhadä'añii.

¹¹Ja'a Dios, yajtøjiajpy je'eduhñ nebiaty je'e wyiinmay. Hoorä, jéquiänä Dios wyiinmaayy coo højts ja'a yHuung xyajñahwa'ads xyajcuhwá'adsät, højts judíospä, coo højts jaduhñ nmøødhidät tu'ugmädia'agy. ¹²Jequiän højts ja'a nhap ja'a ndeedy ja'a Dios ja'a miädia'agy hajxy tiägøøyyä mábøjcäbä coo højts xyajñahwa'ads xyajcuhwá'adsät. Hoorä, paadiä Dios jaduhñ jecy wyiinmaayy coo højts ja'a yHuung xyajñahwa'ads xyajcuhwá'adsät, jaduhñä jäya'ayä Dios hajxy nägøxiä wyiingudsähgó'owät coo jiaanč tehñ miøjjä coo jiaanč tehñ jiaančhä. ¹³Y mijts ja'a ca'a judíospä, jaanä jaduhñä Dios tøø wyiinmaabiä coo mijts ja'a yHuung xyajñahwaats xyajcuhwáatspä. Y jaduhñ hajxy tøø mmábøjpä coo ja'a yHuung hajxy tøø xyajñahwaats tøø xyajcuhwaatspä. Jaanč tehñ tiømiädiaacpä Dios jaduhñ. Coo hajxy jaduhñ nmábøjcäm, paadiä Dios ja'a yhEspíritu yaa tøø quixy maa højtshajtäm, jaduhñä tøyhajt hajxy nmøødhajtäm coo ja'a Jesucristo hajxy tøø xjiaanč yajñahwaats

tøø xjiaanč yajcuhwáatsäm. Hix, jéquiänä Dios jaduhñ miänaañ cooc ja'a yhEspíritu hñajty quixea'añ maa ja'a jäya'ayhajxiän, ja'a miädia'agy hajxy hñajty mábøjcäbä coo hajxy hñajty yajñahwa'ads yajcuhwa'adsa'añii. Jaduhñä Dios ja'a tøyhajt hajxy xmióoyyäm coo hajxy hoy miänaajä xcwieendähadäänäm. ¹⁴Y coo ja'a Dios ja'a yhEspíritu tøø jiaanč quejxnä maa højtshajtäm, jaduhñä tøyhajt hajxy nmøødhajtäm bā coo hajxy jim xyajñøcxäänäm maa ja'a wyiinduumän. Jaduhñä Dios hEspíritu hajxy xmiøødhidäänäm høxtä coonä yhabáadät coo ja'a Dios hajxy jim xyajñøcxämät maa ja'a wyiinduumän, y coo ja'a Dios ja'a mayhajt jaduhñ tiuñ ja'a højtscøphajtäm, páadiäts hajxy nwiingudsähgøøyyämät coo jiaanč tehñ miøjjä coo jiaanč tehñ jiaančhä.

¹⁵Nmädóyhøch jaduhñ coo ja'a Jesús ja'a miädia'agy hajxy tøø mmábøjcä, ja'a hajxy nWiindsønhtëmbä. Jadühñhøch nmädóyyäbä coo hajxy mdsocy mba'häyoy pønjatai Diosmädia'agy panøcxp. ¹⁶Cooch jaduhñ nmädóyyä, páadyhøch Dios Dioscujú'uyäp nmo'oy ja'a mijtsøcxpä hoy miänaajä, cooch hñajty nDiospa'ya'axy ja'a mijtsøcxpä. ¹⁷Nmänuu'xtáacypiøchä Dios coo ja'a wyiinmahñdy hajxy jaduhñ ween xmiø'oy ja'a yhEspírituhaam, y coo ja'a wyiinmahñdy hajxy jaduhñ ween xyajwiinjuø'oy. Dioshajtäbä Dios ja'a Jesucristäm,

ja'a hajxy nWiindsøn_hájtämbä. NDioshájtämä Dios hajxy. Mõj jaančh je'e. Hawiinmats hajxy jaduhñ nwiingudsähgõõyyämät. ¹⁸Jadúhñhõchä Dios nmänuu'xtaacpä coo hajxy ween xyajwiinjuø'øy coo je'e tøø wyiinmay coo hajxy jim xyajnøcxäänäm maa ja'a wyiinduumän. Paady hajxy jim xyajnøcxäänäm coo hajxy xyhuunghájtäm. Jaančh tehñ yhoy jaančh tehñ yajxon hajxy jim nhidäänäm. ¹⁹Weenä Dios hajxy xyajwiinjuøöbiä coo mõcmäjaa jiaančh tehñ miøødä, coo ja'a miäjaahaam hajxy xpiuhbéjtäm coo ja'a miädia'agy hajxy nmäbõjçäm coo tiømiädia'agy. ²⁰Jaanä miäjaahaamä yHuung jaduhñ yagjujypiøjtägajtspä. Mänit jim yajnøcxy maa ja'a wyiinduumän. Mänit ñämaayy coo yhøxtá'agät maa ja'a quiø'ø hahooyhaampiän. Jimä Jesucristo ja'a Tieedy miøødhanehñnä. ²¹Ni põñä cuhdujt jaduhñ quia'a nä'ägädä møødä nebiä Jesucristo mõjcuहुdujt miøødän, ni jim tsajpootyp, ni hädaa yaabä naaxwiin. Ni põñä cuhdujt mänaa quia'a møødhada'añ nebiä Jesucristo mõjcuहुdujt miøødän. ²²Jaduhñä Jesucristo piädaacä coo cøxiä wiinä yhané'emät hoy miaajä. Jaduhñ je'e piädäacäbä coo hõjts nWiindsøn_hájtämät coo ja'a miädia'agy hajxy nmäbõjçäm coo tiømiädia'agy. ²³Hoyyä Jesucristo cøxiä wiinä jia hane'emy hoy miaajä, coo hajxy jaduhñ nmäbõjçäm, xjiootcädäacäm hajxy jaduhñ coo hajxy xmiøødhájtämät

tu'ugmädia'agy. Ni tii jaduhñ quia'a jootcädaacy neby hõjts xjiootcädäacäm.

2 Jue'e mijts hijty, cabä Dios hajxy hijty mwiingudsähgõ'øy, je'leguixpä coo ja'a pojpä cädieey hajxy hijty mmøødä, coo ja'a Diosmädia'agy hajxy hijty mga'a cudiuñ. ²Jaančh tehñ yhaxøøgtuum hajxy hijty mnä'ägädä hity. Jaduhñdsä jäya'ayhajxy yhity ja'a Diosmädia'agy hajxy ca'a mabõjçpä. Ja'a mõjcu'ugong ja'a miädia'agy hajxy hijty mmäbõjçäp. Jaayá'ayäts mõjtuungmøød tsajtcøxp. Yhanehñby jaduhñ põnjatiä Diosmädia'agy ca'a mabõjçp. ³Jaduhñ hajxy hijty nägøxiä njatcøõyyämbä. Haxøøg hajxy hijty nwädíjtäm nebiä njootä ngopc-hajxy hijty chõjçäm. Paadiä Dios hajxy hijty xyajcumäadowáanäm nägøxiä näguipxy møødä haxøøgjäya'ayhajxy. ⁴Pero hojiootä Dios jiaančh tehñ miøød. Xjiaančh tehñ chõjçäm hajxy. ⁵Hoyyä Dios ja'a miädia'agy hajxy hijty nga'a ja cudiuñäm, ja'a miäjaahaamä Dios ja'a nwiinmahñdyhajxy tøø xyajtägájtsäm, nebiä miädia'agy hajxy jaduhñ hoy ngudiuñämät, nebiä Jesucristo yagjujypiøjçän ja'a Tieediä miäjaahaam. Coo ja'a Dios hajxy xjiaančh tehñ chõjçäm, paady hajxy tøø xpiädäacäm hawa'adstuum. ⁶Nebiä Dios ja'a Jesucristo yagjujypiøjtägajchän, jaanä jaduhñ hõjts xyagjujypiøjtägatsäänämbä. Tøø hajxy xpiädäacäm coo ja'a Jesucristo hajxy nmøødhájtämät tu'ugmädia'agy. Y nebiä Dios ja'a

Jesucristo ja'a cuhdujt miooyän coo jim miähané'emät tsajpootyp, jaanä jaduñ højtsä cuhdujt xmiowáanämbä. ⁷Paadiä Dios ja'a cuhdujt hajxy jaduñ xmiöoyäm, jaduñ yajcähxø'øga'añ coo hojioot jiaanč tehñ miøødä maa højtsçxpän, coo hajxy xjiaanč tehñ chójcäm. Paadiä Jesucristo yaa quiejxä hädaa yaabä naaxwiin; paady hajxy hoy xñähho'túutäm. Jimä Dios hajxy hoy miänaajä xyaghidáanäm maa ja'a wyiinduumän. ⁸Cab hajxy hamdsoo tøø nhawa'adspädsøømäm. Ja'a Dios hajxy tøø xpiädäacäm hawa'adstuum. Paady hajxy xyaghawa'adspädsøømäm coo hojioot jiaanč tehñ miøødä, coo hajxy nmäbójcäm coo hojioot miøødä. ⁹Coo ja'a nbojpä ngädieey hajxy hamdsoo tøø nga'a yajniñähwáatsäm, paady hajxy hamdsoo nga'a niguiumáayyämät, hoy hajxy tøø nja hojiäya'ayhajtäm. ¹⁰Hix, tøø ja'a Dios ja'a nwiinmahñdyhajxy xyajtägájsäm coo ja'a Jesucristo hajxy xmiøødhjítäm tu'ugmädia'agy. Tøø ja'a Dios ja'a mäjaa hajxy xmiöoyäm neby hajxy hoy nhjítämät. Jéquiänä Dios jaduñ wyiinmaayy coo hajxy jaduñ hoy nhjítämät.

¹¹Hoorä, højts judíospä, yajcumaaby højts jaduñ coo højts nyajcuncidarhaty. Jaduñ højts tyijy nyajcähxø'øgy coo højtsä Dios xquiu'ughaty. Coo højts jaduñ nyajcuncidarhaty, je'eduhñ nänøømby coo højtsä seña nbäda'agy maa højtsä nni'xcøxpän. Paady højts mijts nxøøghaty, mijts

ca'a judíospä, coo hajxy mga'a yajcuncidarhajpä. Tøyhajt jaduñ. ¹²Hix, højts judíospä, ja'a Dios højts jecy xquiu'ughajt. Jaduñ højtsä Dios xmiøødyajcuhdujcy coo højts hänäjty xyajñähwa'ads xyajcuhwa'adsa'añ. Pero mijts ca'a judíospä, caj mijtsä Dios xñämaayy coo mijts xquiu'ughada'añ, coo mijts xyajñähwa'ads xyajcuhwa'adsa'añ. Hix, cahnä Diosmädia'agy hajxy hänäjty mmädoyñä ja'a Cristocøxpä. Paady hajxy hijty mga'a najuø'øy coo mijts ja'a Dios xyajñähwa'ads xyajcuhwa'adsaambä. ¹³Caj mijtsä Dios hijty xquiu'ughaty. Cabä Diosmädia'agy hajxy hijty mmädooyä. Pero coo ja'a Jesucristo hajxy tøø xñähho'tu'udy, paadiä Dios hajxy xquiu'ughajnä. ¹⁴Coo ja'a Jesucristo hajxy tøø xñähho'túutäm, jaduñ hajxy tøø xpiädäacäm tu'ugmädia'agy nägøxiä, møød højts judíospä näguipxy møød mijts ca'a judíospä. Hamiñ haxøpy hajxy hijty nnimiädsiphajtäm. Pero tøø hajxy nnimiägapxø'cänä je'eguiøxpä coo ja'a Jesucristo hajxy tøø xñähho'túutäm. ¹⁵Højts judíospä, mijts hijty nmøødnimiädsiphajtäp, mijts ca'a judíospä. Hix, højtsä Dios jecy xyhanehñ madiu'u, ca'a myijtsä. Mänitä Moisés quijahy nebiaty højtsä Dios xyhanehñy, y coo ja'a Jesucristo hajxy hoy xñähho'túutäm, paadiä Dios ja'a mädia'agy yaghamaadiujnä nebiä Moisés hänäjty jecy tøø quiujaayän. Jaduñä Jesucristo hajxy tøø xpiädäacäm tu'ugmädia'agy møød je'e, møød højts judíospä näguipxy

møød mijts ca'a judíospä. Paady hajxy nga'a nimiädsiphájtänä hamiñ haxopy neby hijtiän, højts judíospä møød mijts ca'a judíospä. ¹⁶Coo ja'a Jesucristo hajxy tøø xñähho'túutäm cruzcøxp, paadiä Dios hajxy tu'ugmädia'agy xmiøødhíjtänä, møød højts judíospä näguipxy møød mijts ca'a judíospä. Cabä Dios hajxy jaduhñ nmädsiphájtänä.

¹⁷Hoyyä Jesucristo hajxy xyhawáanäm coogä Dios ja'a jioot quia'a tsoy coo ja'a Dios hajxy nga'a mädsiphájtänät. Jadúhñägä jioot chocy coo hajxy nmøødhíjtänät tu'ugmädia'agy nägøxiä, møød højts judíospä näguipxy møød mijts ca'a judíospä.

¹⁸Hix, coo ja'a Jesucristo hajxy nägøxiä tøø xñähho'túutäm, paadiä Dios hajxy nägøxiä nmøødhíjtänä tu'ugmädia'agy, møød højts judíospä näguipxy møød mijts ca'a judíospä. Ja'a yhEspirituhaam hajxy jaduhñ xyajmøødhíjtäm tu'ugmädia'agy nägøxiä. ¹⁹Xquiu'ughájnáp mijtsä Dios møødä jäya'ayhajxy nägøxiä, ja'a Diosmädia'agy hajxy mäbøjpä, hoy hajxy mga'a jagä judíospä. Xyhuunghájnäbä Dios hajxy jaduhñ. Cabä Dios hajxy hijty xquiu'ughaty xyhuunghaty, coo ja'a miädia'agy hajxy hijty mga'a mäbøjcä. ²⁰Coo ja'a Jesucristo hajxy hoy tøø xñähho'túutäm, mänit je'e hoy jiuypiojtägach. Mänitä Diosquexy ja'a Diosmädia'agy hajxy tiägøoyy yajwa'xpä. Mänitä Diosmädia'agy hajxy nmäbøjcäm. ²¹⁻²²Paadiä Jesucristo hajxy xmiøødhíjtäm tu'ugjoot tu'ugwiinmahñdy coo ja'a Diosmädia'agy hajxy

näguipxy nmäbøjcäm, møød højts judíospä, møød mijts ca'a judíospä. Hix, tøø ja'a Dios hajxy xyajnähwaats xyajcuhwáatsäm ja'a nbojpä ngädieeyhíjtäm. Ja'a yhEspirituhaam hajxy jaduhñ xyajmøødhíjtäm tu'ugjoot tu'ugwiinmahñdy.

3 Høøch Pablo, páadyhöch chaa ndsumyčhänä'ay coočhä Jesucristo miädia'agy nyajwa'xä maa mijtsän, mijts ca'a judíospä. Coo ja'a Jesucristo hajxy tøø xpiädáacäm tu'ugmädia'agy nägøxiä, páadyhöchä Dios nba'ya'axy ja'a mijtscøxpä. ²Tøø hajxiäda'a mmädoyhaty coočhä Dios tøø xwyiinguexy coo mijtsä Diosmädia'agy nyajwiingapxø'owät, coo ja'a Dios ja'a hojioot miøødä ja'a mijtscøxpä. ³Jéquiänä Dios wyiinmaayy coo højtsä nbojpä ngädieey xyajnähwaats xyajcuhwáatsät, højts judíospä. Nnajuøøby højts hijty jaduhñ. Pero cuyu'uchä Dios hijty yaghity coo hänajty tøø wyiinmaabiä coo mijts xyajnähwa'ads xyajcuhwa'adsaambä, mijts ca'a judíospä. Hoorä, tøøchä Dios hädaa mädia'agy xyajwiinjuøøñä nébiøch hädaa mädia'agy weenjaty cham njaayän. ⁴Coo hädaa mädia'agy hajxy mgápät, jaduhñ hajxy mnajuø'owa'añ coočhä Dios ja'a mädia'agy tøø xyajwiinjuø'oy, ja'a Jesucristocøxpä, ja'a cuyu'uch tøø yhítiäbä. ⁵Cab hädaa mädia'agy hijty pøn miädoyyä. Pero tøø ja'a Dios ja'a wyiinguexyhajxy yajwiinjuøøñä. Ja'a yhEspirituhaam jaduhñ yajwiinjuøøyy. ⁶Jaduhñ hajxy nnajuøøyyäm coo ja'a Dios

jecy wyiinmaayy coo ja'a Jesucristo hajxy hānajtŷ xñāhho'tu'udāānām, coo hānajtŷ jiuypiojtāgatsa'añ. Y coo ja'a Diosmādia'agy hajxy nmābōjcām, paadiā Jesucristo hajxy nāgōxiā nmōødhjētām tu'ugjoot tu'ugwiinmahñdy, mōød hōjts judíospā nāguipxy mōød mijts ca'a judíospā. Jaduhñā Dios hajxy nāgōxiā xyhuunghājtām. Tu'ugmādia'aguiā Dios hajxy jaduhñ xyaghjētām ja'a Jesucristocōxpā. Paadiā Dios hajxy jaduhñ xyajnahwaats xyajcuhwāatsām coo ja'a Jesucristo hajxy hoy tōø xñāhho'túutām. Jéquiānā Dios jaduhñ wyiinmaayy.

⁷⁻⁸ Ja'a miøcmājaahāamhōchā Dios tōø xtiuungmo'oy cooçh ja'a miādia'agy nyajwá'xāt maa ja'a ca'a judíoshajxypān. Xtiuungmóoyhōchā Dios jaduhñ cooçhā judíoshajxy nyajwiingapxó'øwāt coo Dios ja'a mayhajt mōj may tiuna'añ ja'a hōjtsçøxphājtām, je'eguiøxpā coo ja'a Jesucristo hajxy hoy tōø xñāhho'túutām. Hojiootā Dios miøød, páadyhōch jaduhñ xtiuungmooyy, hóyhōch nga'a jagā māna'añ cooçh nga'a tsoobaady cooçh jaduhñ ndúnāt, hóyhōch nja māna'añ coo ja'a Dioshuunghajxy miaas tsoobāadāt, coo hajxy jaduhñ tiúnāt. ⁹ Jaanā jadúhñhōchā Dios tōø xtiuungmoobiā cooçhā jāya'ayhajxy nāgōxiā nyajwiinjuó'øwāt coo ja'a Dios jecy wyiinmaayy coo mijtsā Jesucristo hānajtŷ xyajnahwa'ads xyajcuhwa'adsaambā, mijts ca'a judíospā. Mānitā Dios jaduhñ wyiinmaayy mānaa cōxiā wiinā

yhādiuññān. Cab hajxy xchoj yajwiinjuóøyyām. Jecy jaduhñ yaghijty cuyu'uçh. ¹⁰ Hoorā, coo ja'a Jesucristo hajxy nāgōxiā tōø xyajnahwaats tōø xyajcuhwāatsām, mōød hōjts judíospā nāguipxy mōød mijts ca'a judíospā, coo ja'a Diosmādia'agy hajxy nāguipxy nmābōjcām coo tiømiādia'agy, jaduhñā Diosmoonsā hajxy jim ñajuøññā tsajpootyp coo ja'a Dios jiaançh tehñ quiuwiinmahñdiā madiu'u. Haa ca'a, xyhíjxāmā Diosmoonsā hajxy coo hajxy tu'ugmādia'agy jaduhñ nhjētānā. ¹¹ Jaduhñā Dios ñā'ägādā wiinmaayy jequiān, jajtŷ hādaa naaxwiin yhādiuuñ. Jaduhñ yajtøjiajty coo ja'a Jesucristo hajxy hoy xñāhho'túutām, ja'a hajxy nWiindsøn'hājtāmbā. ¹² Coo ja'a Jesucristo hajxy nmøødhjētām tu'ugmādia'agy, coo ja'a miādia'agy hajxy nmābōjcām, jaduhñā tøyhajt hajxy nmøødhājtām coo ja'a cuhdujt hajxy nmøødhājtām coo ja'a Dios hajxy nba'yáaxāmāt. Jaduhñā tøyhajt hajxy nmøødhājtāmbā coo hajxy xmiädóowām. ¹³ Mijts nmānuu'xtaacyy coo hajxy mga'a jootmayhādāt, hóyhōch yaa nja tsaächpøcy. Páadyhōch chaa ndsaächpøcy cooçhā Diosmādia'agy nyajwa'xy maa mijtsān. Páadiāts hajxy jaduhñ mxoondá'agāt. ¹⁴⁻¹⁶ Ja'a nWiindsøn'hājtām Jesucristo, Dios je'e Tieedyhajpy. Tieedyhajpiā Dios hajxy je'ebā pønjatŷ jim tsānaaby tsajtcøxp mōød pønjatŷ yaa tsānaaby hādaa yaabā naaxwiin. Coo ja'a Jesucristo hajxy tōø xpiädācām

tu'ugmädia'agy mөөд һөјts judíospä năguipxy mөөд mijts ca'a judíospä, păadyhөчhä Dios hamuumdu'joot nmănuu'xta'agy coo mijtsă măjaa ween xmio'oy ja'a yhEspirituhaam, neby hajxy jaduhñă mjuøhñdyhaam mme'e'xtúgăt. Xpiuhbédăbă Dios hajxy jaduhñ je'eguiøxpă coo je'e miøjjă jiaančhä. ¹⁷Jadúhñhөчhä Dios nmănuu'xta'acpă coo ja'a Jesucristo yhEspiritu hajxy ween mjaac mөөdhajtă, je'eguiøxpă coo ja'a miădia'agy hajxy mmăbøjcă. Jaduhñ hajxy hoy yajxón mničhoc mnimiee'xøøjăt hoy miănaaxøøjă. ¹⁸⁻¹⁹Y jaduhñ hajxy mwiinjuøbiăt coo ja'a Jesucristo hajxy xjiaanč tehñ chójcăm møj may. Hanaxiă hajxy jaduhñ xjiaanč tehñ chójcăm. Cab hajxy ca'xy nwiinjuøyyăm nebiaty hajxy jaduhñ xjia tsójcăm. Cab hajxy pedyi nwiinjuøyyăm. Coo hajxy hoy nwiinjuøyyămăt, hoyyă nwiinmahñdyhajxy jiadăanăm nebiă Dios ja'a wyiinmahñdiän.

²⁰Jaanch tehñ miăjaamөөдă Dios. Ja'a miăjaahaamă nwiinmahñdyhajxy xyajtăgăjtsăm. Jaană miăjaahaamă mayhajt møj may tiuumbă ja'a hөјtsçøphăjtăm. Hөxtă cab hajxy hoy nwiinjuøwăanăm nebiatiă mayhajt jaduhñ tiuunñ. Møj mayyă mayhajt jaduhñ tiuunñ, hoy hajxy nga'a jagă mäyujwăanăm.

²¹Tsögă Dios hajxy hoy miănaajă wiingudsăhgøyyăm, coo ja'a miădia'agy hajxy nmăbøjcăm, je'eguiøxpă coo ja'a Jesucristo hajxy tøø xñăhho'tútütăm. Tøyhajt jaduhñ.

4

Coočhä Jesucristocøxpă nduñ, păadyhөch chaa

ndsumyčhäna'ay. Coo mijtsă Dios tøø xyajnăhdijy coo hajxy hoy mwădităt, paady hajxy jaduhñ mgudiúnăt. ²Cab hajxy myajcumáyăt. Mee'xxieemy hajxy mhídăt. Mmee'xtúgăp hajxy jaduhñ. Hamiñ haxøpy hajxy mničhoc mnimiee'xøøjăt. ³Naxy hajxy tu'ugcopc tu'ugwiinmahñdy mdehm yhídăt. Ja'a Dioshəpirtu hajxy jaduhñ xyaghídăp tu'ugmädia'agy. ⁴Tu'ugmuquiă Jesucristo miădia'agy hajxy nbanøcxăm, mөөд hөјts judíospä năguipxy mөөд mijts ca'a judíospä. Tu'ugmuquiă Dioshəpirtu hajxy nmөөdhăjtăm. Năgøxiă Dios hajxy xyajnăhdijjăm coo hajxy jim xyajnøcxăanăm maa ja'a wyiinduuman. Tu'ugmucy hajxy jaduhñ njøbhíjxăm. ⁵Tu'ugmuquiă Jesucristo hajxy nWiindsønăjtăm. Tu'ugmuquiă miădia'agy hajxy nmăbøjcăm coo tiømiădia'agy. Ja'a Jesucristocøxpă hajxy năgøxiă nnăbėjtăm. ⁶Tu'ugmuquiă Dios hajxy nDeedyhăjtăm năgøxiă. Jaaya'ay hajxy xyhanéhăm năgøxiă. Ja'a hөјtsçøphăjtăm jaaya'ayă mayhajt tiuunñ năgøxiă. Jaaya'ay hajxy hoy xmiødhíjtăm năgøxiă.

⁷Cøjhawiingatiă Jesucristo hajxy tøø xyajnăhdijjăm nebiaty hajxy ndúunămăt. ⁸Jaduhñă Diosmädia'agy miăna'añ:

Coo jim ñøcxy tsajpootyp, tsumiă miădsip yajnøcxy, ja'a hajxy hănajty tøø quia'a măjădă'aguiăbă.

Mănită jiamiøød madiu'u miooyy çøxiă wiină.

⁹⁻¹⁰Coo jaduhñ miăna'añ coo ja'a Jesucristo ñøcxy tsajpootyp, jaduhñ

miäna'ana'añ coo hänäjty yaa tøø yhoy hädaa yaabä naaxwiin. Jim hänäjty tøø yhuuc tsohndaacpä tsajpootyp. Y coo jim ñcxtägajch Dioswiinduum, jim mõj jaančh yhiñä. Jim jaduñ yhanemñä tsajpootyp mөөd hädaa yaabä naaxwiin. ¹¹Ja'a Jesucristo højts xpiädaac coo højts madiu'u ndúnät jaaya'aguiöxpä. Näje'e højts xyajñdhijy coo højts ndúnät apóstol. Je'ečh jaduñ nnänöömby coo højtsä Jesucristo xquiejxtsohñ Diosmädia'agy-yajwa'xpä wiinduhmyhagajpt. Näje'e hajxy yajñähdíjjäbä coo ja'a Diosmädia'agy hajxy jiaac yajwá'xät. Näje'e hajxy yajñähdíjjäbä coo ja'a Diosmädia'agy hajxy yajwiingapxó'owät. Näje'e hajxy yajñähdíjjäbä coo ja'a Diosmädia'agy hajxy yajñähixó'owät. Näje'e hajxy yajñähdíjjäbä coo hajxy quiopc-hádät maa ja'a hermanodöjc-hajxy yhamugö'oyän Dioswiingudsähgöobiä. ¹²Paady hajxy jaduñ tiuñ, jaduñä Diosmädia'agy hajxy maas hoy quiudiünät coo ja'a Diosmädia'agy hajxy miäböcy. Jaanä jaduñ hajxy tiúumbät ja'a Diosöxpä. Jaduñ hajxy maas hoy wiädítät nägöxiä coo ja'a Jesucristo hajxy pianöcxy. ¹³Jaduñä Dios ja'a miädia'agy hajxy tu'ugmucy hoy nmäböjcämät nägöxiä coo tiömiädia'agy ja'a Jesucristocöxpä. Y jaduñä Jesucristo hajxy hoy nmөөdhíjtämät tu'ugmädia'agy, ja'a Dioshuung. Jaduñä Diosmädia'agy hajxy maas hoy nwiinjuöyyämät. Jaduñ hajxy maas hoy

nyajtúunämät. Mänit hajxy hoy nwiinmäayyämät nebiä Jesucristo wyiinmayyän. Y jaduñ hajxy hoy nwädíjtämät nebiä Jesucristo hoy wiäditiän. ¹⁴Pönjatiä Diosmädia'agy hoy ca'a wiinjuöbyñä, jaančh tehñ piaquiä hajxy yajwiinhöñ. Hoy tyii mädia'aguiä hajxy miäböga'añ. Hix, ja'a häna'c-hajxy mäwiinhömbä, jiaančh tehñ jiajpy hajxy mäwiinhöön. Jaančh tehñ piaquiä hajxy jaduñ xwyiinhöönät. Pero højtshájtäm, cab højts jaduñ nyajwiinhöñämät. ¹⁵Pero, tsög hajxy tögüäpxäm, tsög hajxy tömiädiäacäm. Tsög hajxy tsöjcäm, tsög hajxy méé'xäm pönjaty hajxy nmөөdmädiäacäm. Jaduñ hajxy hoy nwädíjtämät nebiä Jesucristo hoy wiäditiän, ja'a hajxy nWiindsöñhájtämbä. ¹⁶Coo hajxy nhíjtämät tu'ugmädia'agy, coo hajxy nnibiuhbéjtämät hamiñ haxöpy nebiatiä Dios hajxy tøø xtiuungmööyyäm, jaduñä Jesucristo hajxy xpiuhbéjtämät, neby hajxy jaduñ maas hoy nničhojc nnimieé'xämät hamiñ haxöpy, nebiä Diosmädia'agy hajxy jaduñ maas hoy nwiinjuöyyämät, neby hajxy jaduñ maas hoy ngudiúunämät.

¹⁷⁻¹⁹Pönjatiä Diosmädia'agy ca'a panöcxp, cab hajxy miöjpäda'agy tijaty jaduñ tsoobaatp. Cab hajxy tii wyiinjuö'öy. Jaančh tehñ xiexä jiootä quiopc-hajxy; paady hajxy quia'a wiinjuö'öy coo ja'a Dios ja'a mõjmayhajt tøø tiuñ ja'a højtsöxpähájtäm, paady hajxy quia'a cumayii ja'a Diósäm. Tsähdiuhndägoy hajxy jaduñ. Hanaxiä hajxy yhaxöögjatcö'öy

cøxypänejpiä. Paady mijts jaduhñ nmägapxy nhane'emy ja'a Jesucristocøxpä coo hajxy jaduhñ mga'a pajatcøøbiät. ²⁰Coo hajxy tøø mhabøcy ja'a Jesucristocøxpä, paady hajxy mnajuø'øy coo jaduhñ quia'a hoyyā coo hajxy jaduhñ mga'a haxøøgwädijnät, neby hajxy naamnā tøø nmägapxy tøø nhane'emiän. ²¹Tøyhajt jaduhñ coo hajxy tøø mhabøcy ja'a Jesucristocøxpä. Jaaya'ay hajxy xyajñähixøøyy ja'a yHespírituhaam. Hix, tøgüiapxp tømíadiacp je'e.

²²Jaduhñ hajxy xyajñähixøøyy coo ja'a mhaxøøgcuhdujt hajxy mnajtshixø'øwät neby hajxy hijty mhaxøøgjäya'ayhatiän. Mdu'udägoyyaamb hajxy hijty je'egüiøxpä coo hajxy hijty cøxiä wiinä mhadsocy, cooc tyjy hajxy hijty jaduhñ mbaada'añ ja'a hoyhajtä weenhajt. Pero myajwiinhøhmb hajxy hijty. Hix, cabä hoyhajtä weenhajt hajxy jaduhñ mbáadät. ²³Pero, yajtägatsä mjootä mwiiimahñdy hajxy. ²⁴Tøø ja'a Dios hajxy xmióoyyäm ja'a hawiinjembäiä howyiimahñdy nebiä Dios hajxy jaduhñ hoy nbahíjxämät. Jaduhñ hajxy tøyhajt hoy mjäya'ayhädät. Jaduhñ hajxy tøyhajt haxøøg mga'a wädijnät.

²⁵Jaduhñds je'e, cab hajxy mhøhñdáacnät. Tøyhajt hajxy mmädiäacnät. Hix, tu'ugmädia'agy hajxy nhíjtäm.

²⁶⁻²⁷Coo hajxy tähoocjaty mnimiäjootma'adøøjät, paquiä hajxy jadähooc mnimiägapxø'cägumbät, coo ja'a møjcu'ugong hajxy jaduhñ paquiä xñä'ä yajcädiéeyät.

²⁸Pønjaty mee'tsp, cab hajxy miée'tsnät. Ween hajxy tiuunnä, jaduhñä wiingjäya'ay hajxy piuhbédät pøn jaduhñ yajmaajajp.

²⁹Cab hajxy mhaxøøgcápxät. Coo hajxy hoy mgapx mmädiä'agät, jiaac wiinjuø'øwaambiä jäya'ayhajxy, ja'a homiädia'agy hajxy hoy mädoobä. Jaduhñä Dios ja'a mayhajt tiúnät jaaya'aguiøxpähajxy, ja'a hajxy jaduhñ mädoobä.

³⁰Cabä Dioshespíritu hajxy myagjootmadiägø'øwät. Hix, jaaya'ay hajxy jaduhñ xcwieendähadäänäm høxtä coonä ja'a Jesucristo hänäjty yaa quiädaactägatsa'añ. Mänit jaduhñ quiäxø'øga'añ coo hajxy hänäjty tøø xyajñähwaats tøø xyajcuhwäatsäm, møød coo hajxy hänäjty tøø xyajpädsøømäm haxøøgtuum.

³¹Cab hajxy mnixiøøghájtänät. Cab hajxy mnimiädsiphájtänät. Cab hajxy mnimiäjootmä'tänät. Cab hajxy mniyhójjänät. Cab hajxy mniñähójjänät. Cab hajxy mnimiähanhájtänät. ³²Pero, mniçhoc mnimiee'xøøjáp hajxy hamíñ haxøpy. Mniñäxuudsøøjáp hajxy jaduhñ. Mnimiee'xøøjáp hajxy jaduhñ. Hix, jaduhñä Dios hajxy tøø xmiée'xäm ja'a Jesucristocøxpä.

5 Xyhuunghájtämä Dios hajxy; xchójcäm hajxy jaduhñ. Naxiä Dios hajxy ndehm piähíjxämät.

²Mniçhoc mnimiee'xøøjáp hajxy nebiä Jesucristo hajxy xchójcäm. Coo hajxy jaduhñ xchójcäm, paady hajxy tøø xñähho'tútäm. Quiumaayy ja'a Dios jaduhñ.

³Coo ja'a Dios hajxy xyhuunghájtäm, paady hajxy

haxøøg mga'a nä'ägädä jatcø'owät. Ni mga'a hadsógät jäya'adio'oxiøjc hajxy. Jaanä jaduñ mijts to'oxiøjc-hajxypä, caj mijts wiingya'adiøjc mmøødmábät. Ni mga'a hadsójcät hajxy ja'a mmädo'oxiøjcä ñihyhap. Ni cab hajxy mhaxøøgcápät. ⁴Cabä haxøøghaaw hajxy mmøødhádät. Cab hajxy mguhhiñmädiá'agät. Cab hajxy mhanähádät. Cab jaduñ yhawiinmatsä coo hajxy jaduñ mjatcø'owät. Pero ja'a Dios hajxy mnámá'awäp: "Dioscujú'uyäp." ⁵Tøyhajt jaduñ, pøn haxøøg jatcøøby, pøn jäya'ajie'e jaanč tehñ yhadsojp, cab jim tiägø'owa'añ maa ja'a Jesucristo wyiinduumän, maa ja'a Dios ja'a wyiinduumän. Hix, pøn jäya'ajie'e hadsojp, cabä Dios hoy wyiingudsähgø'øy. ⁶Cab hajxy nyajwiinhøñmät coo jäya'ay hajxy hánajty xjia nämáayämät cooc tyijy yhooyä coo hajxy haxøøg njatcøøyyämät, nébiäts naamñä tøø nmägapxy tøø nhane'emiän. Ja'a häna'c-hajxy ca'a mábøjpä, ja'a häna'c-hajxy jaduñ haxøøg jatcøøbiä, nébiäts naamñä tøø nmägapxy tøø nhane'emiän, yajcumädo'wáanäp hajxy je'eduhñ ja'a Diósäm. ⁷Paady jaduñ, tsøc ca'a møødjatcøøyyäm näguipxy. ⁸Mijts, cabä Diosmädia'agy hajxy hijty mmädooyä. Mhaxøøgwädijp hajxy hijty, møød hajxy hijty haxøøgjaty mjatcø'øy. Pero coo ja'a Jesucristo miädia'agy hajxy tøø mmäbøjcnä, paadiä mwiinmahñdy hajxy mmøødan hawa'adstuum. Jaduhñä mwiinmahñdy hajxy mjaac yaghídät. ⁹Pønjatiä wyiinmahñdy hawa'adstuum, hojiot hajxy

miøød. Hoy hajxy jiäya'ayhaty. Tøguiapxp tømiädiaacp hajxy je'e. ¹⁰Mjaac habøgäp hajxy jaduñ nebiatiä Dios hajxy xyajñähixø'øy neby hajxy jaduñ maas hoy mjäya'ayhádät. Jaduhñä Jesucristo hajxy xmiaas cumáyät. ¹¹Ja'a häna'cä Diosmädia'agy hajxy ca'a mábøjpä, cab hajxy hoy jiäya'ayhaty. Cab hajxy jaduñ cøxypänejpiä mmøødjatcø'owät; pero mwiinguhojø'owäp hajxy jaduñ. ¹²Jaanč tehñ yhočähdiuunnä hajxy hamee'ch jiatcø'øy; páadyhöch nga'a nägapxa'añ nebiaty hajxy jaduñ jiatcø'øy. ¹³Coo jäya'ay hajxy nwiinguhojø'oyyämät coo hajxy yhaxøøgwädity, nebiä Diosmädia'agy miäna'añän, mänit hajxy jaduñ yhooc tehñ ñajuø'owät coo hajxy tøyhajt yhaxøøgwädity. ¹⁴Jaduhñä jäya'ayhajxy näje'e miäna'añ:

Pøn jaduñ maab, ma'abiädø'øg hajxy;
 pøn jaduñ tøø yho'ogy,
 mjujyipiøjtägátsäp hajxy.
 Ja'a Jesucristo mijts
 xquiujajaamb
 xquiudøø'xaamb.

Jaduhñ miädia'agytiägø'øy, pønä Diosmädia'agy ca'a mábøjp, ween hajxy miäböcy. Jaduhñä Jesucristo hajxy xyajwiinjuø'owät coo je'eyyä jaduñ tu'uquüä ja'a mbojpa mgädieey hajxy xyajñähwáatsät.

¹⁵Jaduhñds je'e, nägüeentä hajxy mwädítät. Cab hajxy mnibiäda'agøøjät nebiä jäya'ayä Diosmädia'agy hajxy ca'a wiinjuøøbiän. Paady hajxy hoy mwädítät coo ja'a Diosmädia'agy

hajxy mwiinjuø'øy. ¹⁶Naxý hajxy hoy mdehm wiädítät. Hix, jiaançh tehñ miäwädijpiä jäya'ayä haxøøgwinnmahñdy hajxy jäda'ahaty. ¹⁷Hoorä, cab hajxy mnibiäda'agøøját nebiä jäya'ayhajxy ca'a jajpän. Naxiä Dios ja'a miädia'agy hajxy mdehm wyiinjuøøyyät mdehm wyiinnädóowät nebiatiä jioot chocy coo hajxy mgudiúunät. ¹⁸Cab jaduhñ yhooyä coo hajxy mmu'ugøøját; yajtägoobiä jocnøø jaduhñ. Pero weenä Dioshespíritu hajxy xjiaac puhbéjtäm coo ja'a miädia'agy hajxy jaduhñ njaac cudiúunäm. ¹⁹Coo ja'a Dioshespíritu hajxy xpiuhbéjtäm, jaduhñ hajxy nnijiootcapxmøøpcjäm ja'a Dioshøyhaam. Jaduhñä Dios hajxy hamuumdu'joot mwiinhøw mwiinyá'axät. ²⁰Hoy miäduhñajtä Dios hajxy mnämá'awät: “Dioscujú'uyäp”, ja'a Jesucristocøxpä, ja'a hajxy nWiindsøn'hájtämbä. Paadiä Dios hajxy jaduhñ mnämá'awät: “Dioscujú'uyäp”, coo ja'a hoyhajtä weenhajt hajxy je'e xmióoyyäm. Hix, je'e hajxy nDeedyhájtäm.

²¹Hoorä, coo ja'a mmähermano waamb xyhané'emät, hamuumdu'jootä miädia'agy mgudiúunät, je'eguiøxpä coo ja'a Jesucristo hajxy hoy nwiingudsähgøøyyäm.

²²Mijts to'oxiøjc-hajxy, mgudiúunäbä mnihyhapä miädia'agy hajxy. Jaduhñä Jesucristo hajxy xyhane'emy, ja'a hajxy nWiindsøn'hájtämbä. ²³Coo ja'a mnihyhaphajxy quiopc-haty

maa mijtsän, jaduhñ mäwiin miäbaady coo ja'a Jesucristo hajxy nWiindsøn'hájtäm coo ja'a miädia'agy hajxy hoy nmäbøjcäm. Jaaya'ay hajxy xyajñhwáatsäm.

²⁴Coo ja'a Jesucristo miädia'agy hajxy ngudiúunäm, jaduhñ mijtsä mnihyhapä miädia'agy mgudiúunäbät, waambaty hajxy jaduhñ xyhane'emy.

²⁵Hoorä, mijts ya'adiøjc-hajxy, mdsógäp mmé'e'xäbä mdo'oxiøjc hajxy nebiä Jesucristo hajxy xchøjcäm. Hix, tøø hajxy xñähho'túutäm. ²⁶Paady hajxy tøø xñähho'túutäm, jaduhñ hajxy tøø xyajñhwáatsäm ja'a nbojpä ngädieeyhájtäm. Paady hajxy jaduhñ tøø xyajñhwáatsäm coo ja'a miädia'agy hajxy tøø nmäbøjcäm. Y coo hajxy nnäbéjtäm, jaduhñ hajxy nmänáanäm coo ja'a nbojpä ngädieey hajxy tøø xñähwáatsäm. ²⁷Paadiä Jesucristo hajxy tøø xñähho'túutäm, jaduhñ hajxy hoy yaxón xyhíjxämät nebiä pujoy nebiä je'eçhpän coo hänäjty yaa quiädaactägatsa'añ. Hix, tøø ja'a nbojpä ngädieey hajxy hänäjty xyajñhwáatsäm. ²⁸Jaduhñds je'e, mijts ya'adiøjc-hajxy, mdsógäp mmé'e'xäbä mdo'oxiøjc hajxy nebiä mhamdsoo ni'x nebiä mhamdsoo copc hajxy mjuø'øyän. Pønä tio'oxiøjc tsojp mee'xp, jaduhñ miäbaady nebiä yhamdsoo ni'x nebiä yhamdsoo copc choquiän. Hix, tu'ugni'x tu'ugcopc hajxy jiaty coo to'oxiøjc hajxy wyiingpøcy. ²⁹Hix, cap pønä yhamdsoo ni'x yhamdsoo copc xiøøghaty. Pero ngüeendähájtämä nni'x ja'a ngopc-hájtäm hajxy; jaduhñ

mäwíinäts miäbaady nebiä
Jesucristo hajxy xwieendáhjtäm.

³⁰Hix, tu'ugjoot tu'ugwiinmahñdiä
Jesucristo hajxy xmiøødhjtäm
coo hajxy nWiindsøn'hajtäm.

³¹Jaduhñä Diosmädia'agy miäna'añ:
“Jaduhñds je'e, coo ja'a ya'adiøjc
to'oxiøjc piaady, mäniä tiaj
tieedy piuhyoohdiuutnä. Jaduhñ
mäwíinädsä ya'adiøjc-hajxy jiaty
møødä tio'oxiøjc nebiä tu'ugni'x
nebiä tu'ugcopcän.” ³²Jaanch
tehñ yajxon hädaa mädia'agy
jaduhñ. Cabä Dios hajxy hijty
xchoj yajwiinjuøyyäm. Jaduhñch
nwiinjuø'y, coo ja'a ya'adiøjcä
tio'oxiøjc miøødhity tu'ugmädia'agy,
coo jaduhñ miøødhity tu'ugni'x
tu'ugcopc, jaduhñ mäwíinäts
miäbaady coo ja'a Jesucristo hajxy
xmiøødhjtämbä tu'ugmädia'agy
coo ja'a miädia'agy hajxy
nmäbøjcäm. ³³Jaduhñds je'e,
jaduhñä mdo'oxiøjc hajxy mdsoc
mmée'xät nebiä mhamdsoo ni'x
nebiä mhamdsoo copc hajxy
mdsoquiän. Y mijts to'oxiøjc-hajxy,
jaanä jaduhñä mnihyhap hajxy
mwiingudsähgøøbiät.

6 Mijts pigäna'tøjc-hajxy,
mgudiúunäbä mdajjä
mdeediä miädia'agy hajxy
ja'a Jesucristocøxpä, ja'a
hajxy nWiindsøn'hajtämbä.
Hahixøøby jaduhñ coo hajxy
jaduhñ mgudiúnät. ²⁻³Jaduhñä
Diosmädia'agy miäna'añ: “Pønjatia
tiaj tieedy wiingudsähgøøby, je'eçh
hajxy hoy nyajtsäna'awaamby
nyaghäyowaamby hädaa yaabä
naaxwiin; je'eçh hajxy jejcy
nyagjugyhadaamby”, nõmä
Diosmädia'agy miäna'añ. Coo

ja'a Dios hajxy jaduhñ jecy
xyhanéhäm, mäniä jaduhñ
miänaandsohñ coo ja'a
mayhajt hñajty tiuna'añ ja'a
højtscøxphajtäm.

⁴Mijts taj teedyhajxy, cabä mnøøx
cabä mmajc hajxy hanaxiä mhójat
coo hajxy xmiähahñdät. Jaduhñä
mhuung hajxy mmägäpax mhané'emät
coo hajxy hoy wiädítät. Jaduhñ hajxy
quiumayøøjat ja'a Jesucristäm, ja'a
hajxy nWiindsøn'hajtämbä.

⁵Näje'e mijtsä jäya'ayhajxy
xjie'ehaty nebiä waj nebiä cuaayän.
Mgudiúunäbä mwiindsønä
miädia'agy hajxy hamuumdu'joot,
ja'a hajxy hädaa yaabä naaxwiimbä.
Mwiingudsähgø'owäp hajxy
jaduhñ nebiä Jesucristo hajxy
nwiingudsähgøøyyäm. ⁶⁻⁷Hoyyä
jäya'ayhajxy tiuñ coo ja'a wyiindsøn
hajxy hñajty wyiindäna'ayii
neby hajxy jaduhñ quiumayøøjat
ja'a wyiindsønäm. Pero näje'e
jäya'ayhajxy hoy quia'a tuñ coo ja'a
wyiindsøn'hajxy hñajty quia'a jimä.
Mijts, cab hajxy jaduhñ mbahixät.
Hamuumdu'jootä mwiindsøn hajxy
mmädúnät. Jaduhñ hajxy hoy
myajcähxø'ogät coo ja'a Jesucristo
hajxy hoy mjaanch mäduñ. Jaaya'ay
hajxy nmaas Wiindsøn'hajtäm.
Jaduhñä Dios chojpä. Ja'a
Jesucristocøxpä hajxy jaduhñ
mdúnät. Ca'a jäya'aguiøxpähajtia
hajxy mdúnät. ⁸Mjahmiédsäp hajxy
jaduhñ, coo ja'a nwiindsøn hajxy
hoy nmädúunämät, hoy hajxy xjia
je'ehajtäm nebiä waj nebiä cuaayän,
mäniä Jesucristo ja'a hoyhajtä
weenhajt hajxy xmióoyyämät.
⁹Jaduhñ mijtspä, cumoonsädøjc,
mnäxúudsäbä mmoonsä hajxy

jaduhñ. Cab hajxy mhadsähg'owät. Haa ca'a, jaduññ mijsä Dios hajxy xyhanehmbä nebiä mmoonsä hajxy xyhanéhmbän ja'a Diösäm, ja'a jim tsajpootypä. Haa ca'a, cabä Dios hajxy wiing xyhíjxäm. Haa ca'a, tu'ugjäya'ayhájäm hajxy nägøxiä.

¹⁰⁻¹¹Hoorä, mänuu'xta'agä Dios hajxy coo hajxy ween xpiuhbety ja'a miäjaahaam; jaduññ miädia'agy hajxy maas hoy mjaac mäbøjcät. Hix, jaanç tehñ miäwiinhøhmbä møjcu'ugong. Pero jiaanç tehñ miøødä Dios mäjaa. Y coo hajxy jaduññ xpiuhbédät, cabä møjcu'ugong hajxy jaduññ myajmäjädá'agät.

¹²Hix, ja'a møjcu'ugong hajxy yaa xmiädsibøyyäm møødä mioonsä hajxy, ca'a jäya'ayhaxiä ja'a hädaa yaabä naaxwiimbä. Haxøögä møjcu'uhajxy jäya'ayhaty. Pojhaam hajxy wiädity. Cabä ni'x copc hajxy tiehñ miøødä neby højtshájäm. Møcä mäjaa hajxy jiaanç tehñ miøødä. Ja'a hädaa yaabä naaxwiimbä haxøögjäya'ayhajxy hanéhmbä møjcu'ugongäm. Hoy chajtøxpä ja'a møjcu'uhajxy wiädity. ¹³Paadiä Dios hajxy mmänuu'xtá'agät coo hajxy ween xpiuhbety ja'a miäjaahaam. Jaduññ møjcu'ugong hajxy hoy mjøjtäná'awät. Jaduññ hajxy mga'a yajmäjädá'agät. ¹⁴Jøjtána'awxä ja'a møjcu'ugong hajxy. Naxý hajxy hoy miänaaxøøjä mdehñ tiømiädiá'agät. Jaduññ hajxy hoy mmee'xtúgät. Jaduññ mäwíinäts miäbaady nebiä soldadohajxy møc ñiwiøhnta'açhiiján coo hajxy hánajty chiptuna'añ. Naxý hajxy hoy yajxon mdehñ

wiädítät. Jaduññä Dios hajxy xñäwá'anät. Jaduññ mäwíinäts miäbaady nebiä soldado latapujxt hajxy yajniugiaaachjubøyyiijan. Jaduññ hajxy hoy miäjäda'aga'añ. ¹⁵Niyhahixø'owøø hajxy nebiä Diosmädia'agy hajxy jaduññ hoy mmäwädítät. Coo jäya'ayä Diosmädia'agy hajxy miäbøgät, jaduññ hajxy jootcujc yhidät. Jaduññ mäwíinäts miäbaady nebiä soldadohajxy ñiyhahixø'oyiijan coo ja'a quiø'øg hajxy piägø'øy. ¹⁶Naxiä Dios ja'a miädia'agy hajxy mdehñ miäbøjcät coo ja'a Jesucristo hajxy tøø xyajñähwäatsäm. Jaduññä møjcu'ugong hajxy mga'a yajmäjädá'agät. Jaduññ mäwíinäts miäbaady nebiä soldado escudo hajxy yajniyhawähajtugyijän neby hajxy jaduññ quia'a tøpxøøjät ja'a tøpxquepty tóoyyap queecpä. ¹⁷Naxiä Diosmädia'agy hajxy mdehñ miäbøgät coo ja'a Jesucristo hajxy tøø xñähho'túütäm. Jaduññ mäwíinäts miäbaady nebiä soldado pujxcuhjup hajxy miøødän. Naxiä Diosmädia'agy hajxy mdehñ yhabøgät nebiä Dioshespíritu hajxy xyajñähixøyyäm. Jaduññ mäwíinäts miäbaady nebiä soldadohajxy espadacap chiptuñän. ¹⁸Coo ja'a Dios hajxy mba'yá'axät, mmäyujwá'anäp hajxy tijaty hajxy hánajty myajmaajjajpy. Mmäyajtøwäbä Dios hajxy ja'a yhEspírituhaam tijaty hajxy mmäyujwá'anäp. Mmänuu'xtá'agäbä Dios hajxy ja'a jäya'aguiøxpä, ja'a Diosmädia'agy hajxy panøcxpä. Cab hajxy mnänuuxø'owät coo ja'a Dios hajxy hánajty mba'ya'axa'añ.

19-20 Møød høöchcõxpõchä
 Dios hajxy xpia'yáaxäbät
 coöchä Dios nñajtsapxõøyyät
 waambátyhøch ngapx nmädiá'agät
 coöchä miädiá'agy hänäjty
 nyajwa'xä, ja'a hijty yaghijpiä
 cuyu'uäch. Ja'a Dióshøch
 jaduñ xwyiinguejx coöchä
 miädiá'agy jaduñ nyajwá'xät.
 Páadyhøch chaa ndsumyçhänä'ay
 ja'a Diosmädiá'agyquiøxpä.
 Jadúhñhøchä Dios hajxy
 xpia'yáaxäbät coöch nga'a
 tsähgø'øwät coöchä miädiá'agy
 hänäjty nyajwa'xä, nébiøch jaduñ
 hoy ngudiúnät.

21-22 Nguexáambiøchä hermano
 Tíquico jim maa mijtsän. Coö
 jim miédsät, jim hajxy jaduñ
 xyhawáanät nebiaty hõjts chaa
 ngudiuñ nguñaxy, coö hõjts

hoy ween nhity, neby hajxy
 jaduñ mga'a jootmayhájnät ja'a
 hõjtsçøxpä. Hóyhøchä hermano
 Tíquico nmøødnijootpaadyii.
 Hóyhøch jaduñ xmiøødtuñ ja'a
 Jesucristocøxpä.

23 Ween mijtsä Diosteedy hajxy
 xmiø'oy ja'a hoyhajtä weenhajt
 møødä Jesucristo, ja'a hajxy
 nWiindsøn hájtämbä. Weenä
 Dios hajxy xpiuhbety nebiä
 miädiá'agy hajxy maas hoy
 mjaac mábøjcät, neby hajxy
 jaduñ maas hoy mniçhoc
 mnimiee'xøøjät. 24 Weenä Dios ja'a
 mayhajt tiuñ ja'a hõjtsçøxphájtäm
 nägøxiä coö ja'a Jesucristo
 hajxy nwiingudsähgøøyyäm
 hamuumdu'joot, ja'a hajxy
 nWiindsøn hájtämbä. Tøyhajt
 jaduñ. Amén.